

古事類苑

歲時部十一

年始祝三

私禮

〔令義解儀制〕凡元日、不得拜親王以下謂拜賀之禮、不及親王以下、其唯親戚、謂親者、內戚也、及家令以下、不在禁限、若非元日、有應致敬者、謂假有事、不得已、臨時須拜、非謂元日、外理必拜、四位拜一位、五位拜三位、六位拜四位、七位拜五位、以外、任隨私禮、謂假有卑幼五位以上、拜之類也、

〔日本書紀二十九〕八年正月戊子、詔曰、凡當正月之節、諸王、諸臣、及百寮者、除兄弟以上親及己氏長以外、莫拜焉、其諸王者、雖母非王姓者、莫拜、凡諸臣亦莫拜、卑母、雖非正月節、復准此、若有犯者、隨事罪之、續日本紀一文武高天原廣野姬天皇持統十一年八月甲子朔、受禪即位、閏十二月庚申、禁正月往來、行拜賀之禮、如有違犯者、依淨御原朝庭武天制、決罰之、但聽拜祖兄及氏上者、

〔故實拾要三〕小朝拜 又同日、○正月、元略關白拜禮アリ、○中略關白拜禮ト云ハ、同日關白亭へ諸卿諸臣參向アリテ、關白へ拜禮アリ、此時ハ關白ノ方ヨリ庭上へ下立テ、先諸卿諸臣ヲ關白禮アリ、其以後ニ諸卿諸臣ノ拜禮ヲ關白ノ被受事也、

〔貴嶺問答〕年首御慶承悅無極、今日關白家拜禮可候歟、何刻許可令參給哉、抑院拜禮小朝拜以前、於臣下家月卿雲客致此禮、尤無便事歟、然而已爲例事、子細不審、併在面謁耳、謹言、

正月一日

左大將

謹上 權大納言殿